



Reykjavík, 4. september 2020
SFS2019010206
190. fundur
HG/sb/hph/gS

Til skóla- og frístundaráðs

Frá Helga Grímssyni, sviðsstjóra skóla- og frístundasviðs

Efni: Tillaga um að samþykktur verði nýr samningsaðili vegna tónlistarskóla Árbæjar

Lagt er til að sviðsstjóra skóla- og frístundasviðs verði heimilað að gera þjónustusamning við Tónlistarskóli Árbæjar ehf. kt. 540699-2329, vegna tímabilsins 1. ágúst 2020 til 31. júlí 2021 vegna neðri stiga og vegna tímabilsins 1. september 2020 til 31. ágúst 2021 vegna efri stiga í stað áður samþykkt aðila Tónlistarskóla Árbæjar, kt. 530795-2179.

Greinargerð:

Þann 24. júní 2020 samþykkti skóla- og frístundaráð tillögu sviðsstjóra skóla- og frístundasviðs, dags. 19. júní 2020, um framlengingu samninga við tónlistarskóla í Reykjavík vegna neðri stiga tónlistarnáms með þeim hætti að samningar Reykjavíkurborgar við tónlistarskóla með þjónustusamning við Reykjavíkurborg vegna neðri stiga tónlistarnáms sem renna út þann 31. júlí 2020 verði framlengdir með viðauka til 31. júlí 2021. Þá verði í framangreindum viðaukum kveðið á um úthlutun viðbótarstunda til þeirra tónlistarskóla sem úthlutað hefur verið viðbótarstundum í þeim tilgangi að auka jöfnuð og fjölbreytni í tónlistarnámi.

Þá var jafnframt samþykkt að endurnýja samninga Reykjavíkurborgar við tónlistarskóla í Reykjavík vegna efri stiga tónlistarnáms sem renna út 31. ágúst 2020. Gildistími verði 1. september 2020 til 31. ágúst 2021.

Tillagan sviðsstjóra var samþykkt og vísað til borgarráðs sem samþykkti erindið þann 13. ágúst 2020.

Í framangreindri samþykkt fólst að Tónlistarskóli Árbæjar, kt. 530795-2179, fengi greiddar kr. 71.833.276 og kennslumagn yrði 5.680 vegna neðri stiga. Vegna efri stiga var gert ráð fyrir greiðslu að fjárhæð kr. 2.002.678 vegna 161 stundar.

Framangreind samþykkt náði til félagasamtakanna Tónlistarskóli Árbæjar, kt. 530795-2179, en gerður var þjónustusamningur við tónlistarskólann þann 30. maí 2017 sem gildi frá 1. ágúst 2017 til 31. júlí 2020. Þrátt fyrir framangreint hefur framlagður ársreikningur síðastliðinna ára, stafað frá Stefmennt ehf sem nú heitir Tónlistarskóli Árbæjar ehf. 540699-2329.

Með tölvubréfi, dags. 28. ágúst 2020, óskar fyrirsvarsaður félagasamtakanna Tónlistarskóla Árbæjar, kt. 540699-2329 og fyrirsvarsaður Tónlistarskóla Árbæjar kt. 530795-2179 um að skipt verði um lögaðila hvað varðar þjónustusamningi. Fram kemur að kennitalan í þjónustusamningi sé sem stendur 530795-2179 (Tónlistarskóli Árbæjar) og hafi verið síðan 1995. Óskað er eftir að þeirri kennitölu verði breytt í 540699-2329 (Tónlistarskóli Árbæjar, áður Stefmennt ehf) en á þeirri kennitölu hafi allir ársreikningar verið sendir til skóla- og frístundasviðs meðan að þjónustusamningur hefur verið í gildi fyrir Tónlistarskóla Árbæjar.

Upplýst hefur verið um að Tónlistarskóli Árbæjar kt. 530795-2179 hefur nú verið afskráð í fyrirtækjaskrá Ríkisskattstjóra. Fram kemur í tilkynningu til Ríkisskattstjóra, dags. 30. júní 2020, að félagið sé eignalaust og engar skuldir í félaginu.

Hvað varðar uppgjör samningstímabilsins 2017 – 2020 þá fólst í framangreindri samþykkt skóla- og frístundasviðs og borgarráðs frá 19. og 24. júní sl. að skuli gera grein fyrir nýtingu kennslumagns vegna samningstímabilsins frá hausti 2017 til loka júlí 2020 fyrir lok október 2020. Jafnframt skili skóli fullnægjandi áætlun um kennslumagn vegna skólaársins 2020-2021 sem fellur undir framlengingu samningsins. Gert er ráð fyrir að fyrirsvarsaður Tónlistarskóla Árbæjar, kt. 530795-2179 skili tilgreindum upplýsingum vegna tímabilsins 2017 – 2020 en vegna Tónlistarskóla Árbæjar ehf kt. 540699-2329 áætlun vegna kennslumagn vegna skólaársins 2020 – 2021. Jafnframt verði gerð sú krafa að Tónlistarskóli Árbæjar ehf, kt. 540699-2329, taki á sig allar sömu skyldur og Tónlistarskóli Árbæjar, kt. 530795-2179, bar samkvæmt samningi aðila, dags. 30. maí 2017. Sett verði það skilyrði að hægt verði að skuldajafna greiðslum til nýja fyrirtækisins á móti mögulegum ofgreiðslum eldra fyrirtækis.

Hvað varðar skil á ársreikningi vegna Tónlistarskóla Árbæjar kt. 530795-2179 fyrir árið 2017, 2018 og 2019 hafa ársreikningar verið móttæknir í nafni Stefmennt ehf kt. 540699-2329 og er ársreikningur vegna 2019 endurskoðaður að kröfu borgarinnar.

Hvað varðar skil á endurskoðuðum ársreikningi vegna Tónlistarskóla Árbæjar kt. 530795-2179 vegna tímabilsins 1. janúar 2020 til 31. júlí 2020 þá skili tónlistarskólinn uppgjöri frá sama aðila og verið hefur (Stefmennt ehf sem nú heitir Tónlistarskóli Árbæjar ehf. 540699-2329) en uppgjörstímabil verði þannig samræmt kröfum borgarinnar. Þá verði sýnt fram á með gögnum ráðstöfun fjármuna til Tónlistarskóla Árbæjar ehf. Þannig verði tekin gild staðfesting endurskoðanda fyrirtækisins á að uppgjör og endurskoðun vegna tímabilsins frá 1. janúar 2020 til 31. júlí 2020 sé í vinnslu og verði skilað innan þeirra tímamarka sem reglur um samninga heimila. Eftir 1. ágúst 2020 verði þannig samningsaðili og uppgjörsaðili sami aðili og fullnægt hefur verið kröfum borgarinnar um endurskoðun og samræmingu uppgjörstímabils.

Jöfnunarsjóður hefur lýst því með tölvuskeyti, dags. 1. september 2020, að ekki sé gerð athugasemd við breytinguna vegna efri stiga.

ÞJÓNUSTUSAMNINGUR VIÐ TÓNLISTARSKÓLA VEGNA NEÐRI STIGA TÓNLISTARNÁMS

Reykjavíkurborg vegna skóla- og frístundasviðs Reykjavíkurborgar, kt. 530269-7609 annars vegar og Tónlistarskóli Árbæjar kt.530795-2179 hins vegar, hér eftir tónlistarskólinn, gera með sér svofelldan samning í samræmi við reglur um þjónustusamninga Reykjavíkurborgar við tónlistarskóla, samþykktar í borgarráði þann 9. febrúar 2017, með síðari breytingum, sem er fylgiskjal með samningi þessum og órjúfanlegur hluti hans:

1. gr.

Markmið

- 1.1. Markmið samningsaðila er að styrkja og efla tónlistarskólanám í Reykjavík.

2. gr.

Fjárframlög

- 2.1. Reykjavíkurborg tekur ákvörðun um árlegt heildarfjármagn til tónlistarskóla vegna náms á neðri stigum tónlistarnáms og er árlegt framlag Reykjavíkurborgar til tónlistarskólans 64.006.036 kr. á samningstímanum 1. september 2017 til 31. júlí 2020.
- 2.2. Fjárframlög Reykjavíkurborgar eru einungis vegna nemenda með lögheimili í Reykjavík og falla utan samkomulags ríkis og sveitarfélaga frá 13. apríl 2016 um stuðning við tónlistarnám og jöfnun á aðstöðumun nemenda. Fjárframlög Reykjavíkurborgar eru vegna nemenda sem stunda fornám, grunnám og miðnám á hljóðfæri og fornám og grunnám í söng (neðri stig tónlistarnáms).
- 2.3. Um framlag Reykjavíkurborgar gilda reglur um þjónustusamninga Reykjavíkurborg við tónlistarskóla dags. samþykktar í borgarráði þann 9. febrúar 2017, með síðari breytingum. Þess skal getið í kynningarefni skólans að skólinn njóti fjárframlaga frá Reykjavíkurborg.
- 2.4. Tónlistarskólinn nýtir árlegt fjárframlag til greiðslu kennslu- og stjórnunarkostnaðar í samræmi við þann fjölda nemendastunda sem tilgreindur er í samningi þessum. Framlag vegna umsaminna kenndra nemendastunda getur tekið breytingum í samræmi við breytingar kjarasamninga Sambands íslenskra sveitarfélaga og FÍH og FT. Leiði breytingar kjarasamninga til aukinna útgjalda er hækkun fjárframlags háð samþykktum breytingum á fjárhagsáætlun Reykjavíkurborgar.
- 2.5. Gerður er fyrirvari um að framlag á síðari tveimur samningsárunum er með fyrirvara um árlegan fjárhagsramma skóla- og frístundasviðs Reykjavíkurborgar og getur lækkað verði fjárhagsrammi sviðsins skertur.
- 2.6. Tónlistarskólinn skal innheimta skólagjöld. Skólagjöldum er ætlað að standa undir öðrum kostnaði við skólareksturinn en launakostnaði kennara og skólustjóra, að svo miklu leyti sem rekstrarkostnaðurinn er ekki borinn af styrktarmeðlimum eða annarri fjáröflun.
- 2.7. Tónlistarskólinn ber ábyrgð á að kennsla og önnur starfsemi hans sé í samræmi við þjónustusamning þennan. Skilyrði þess að tónlistarskóli fái fjárframlag Reykjavíkurborgar er að hann starfi að fullu samkvæmt reglum um þjónustusamninga Reykjavíkurborgar við tónlistarskóla.
- 2.8. Tónlistarskólanum ber að fara eftir kjarasamningum sem Samband íslenskra sveitarfélaga gerir við stéttarfélög tónlistarskólakennara á hverjum tíma. Í

- Þessu felst meðal annars að tónlistarskólanum ber að tryggja að mat á menntun og reynslu tónlistarkennara sé í samræmi við ákvæði kjarasamninga.
- 2.9 Tónlistarskóli sem greiðir fleiri stjórnunarstundir en kjarasamningar kveða á um þarf að skila frávikagreiningu til Reykjavíkurborgar en óheimilt er að nota fjármagn frá Reykjavíkurborg til greiðslu slíks kostnaðar.
- 2.10 Skilyrði fyrir nýtingu framlags vegna tölvunotkunar tónlistarkennara við kennslu er að fyrir liggja skrifleg beiðni tónlistarskóla um að tónlistarkennari leggi sjálfur til tölvu. Að öðru leyti fer um nýtingu framlags vegna tölvunotkunar tónlistarkennara samkvæmt ákvæðum kjarasamninga. Tónlistarskólinn skal skila í árlegri greinargerð samkvæmt gr. 5.5 í samningi þessum, yfirliti um notkun tölvu í eigu tónlistarkennara sem greitt er fyrir.
- 2.11 Tónlistarskólanum er heimilt að sækja sérstaklega um aukaframlag vegna viðbótarlaunakostnaðar skóla við afleysingar vegna langtímaforfalla tónlistarkennara sem ekki hafa náð 70 ára aldri, að loknum samfelldum eins mánaðar forföllum tiltekins kennara, sem staðfest eru með læknisvottorði og að því gefnu að tónlistarkennarinn eigi rétt á greiðslu launa í veikindum sínum, til samræmis við gr. 5.11 í reglum um þjónustusamninga Reykjavíkurborgar við tónlistarskóla.
- 2.12 Heildarframlag til tónlistarskóla, árlegt framlag og aukaframlag skv. gr. 2.11., þjónustusamnings þessa verður aldrei hærra en sem nemur raunverulegum launakostnaði skólans vegna kennslu og stjórnunar vegna neðri stiga á viðkomandi ári.
- 2.13 Framlag skv. gr. 2.1 greiðist með jöfnum mánaðarlegum greiðslum og skal greitt út síðasta virka dag hvers mánaðar (eftirá).

3. gr.

Kennsla og kennslumagn á grundvelli framlags

- 3.1 Tónlistarskólinn skal leitast við að kenna hverjum nemanda í fullu námi að jafnaði eina klukkustund á viku í aðalnámsgrein, auk hliðargreina, á starfstíma tónlistarskólans samkvæmt kjarasamningi.
- 3.2 Tónlistarskólinn ábyrgist að kennsla þeirra nemenda, sem innritaðir eru í skólann, sé í samræmi við lög og reglugerðir og önnur stjórnvaldsfyrirmæli sem áhrif kunna að hafa á rekstur tónlistarskóla. Aðalnámskrá tónlistarskóla skal ávallt liggja til grundvallar náminu, en skólanum er heimilt að leggja áherslu á afmarkaða þætti aðalnámskrárinnar í þeim tilgangi að auka fjölbreytni í tónlistarskólastarfinu og mæta áhuga nemenda.
[Tónlistarskólanum er heimilt að nýta fjármagn með öðrum hætti en að framan greinir, en þó aðeins þannig að breytingin leiði til fjölgunar nemenda, enda fái hver nemandi í fullu námi a.m.k. eina klukkustund á viku í aðalnámsgrein sinni þar sem kennsla fer fram í smærri eða stærri hópum auk hliðargreina. Skólinn skal gera grein fyrir nýtingu fjármagns á grundvelli breytts fyrirkomulags kennslu og áhrifum þess í starfsáætlun og greinargerð.]
- 3.3 Tónlistarskólinn upplýsir í starfsáætlun skóla- og frístundasvið Reykjavíkurborgarum hversu margar nemendastundir hann getur kennt að lágmarki fyrir áætlað framlag Reykjavíkurborgar.
- 3.4 Tónlistarskólinn kennir að lágmarki 5387 nemendastundir á ári fyrir árlegt framlag á samningstímanum.
- 3.5 Framlag samkvæmt samningnum tekur til kennslu þeirra nemenda sem falla undir reglur um þjónustusamninga Reykjavíkurborgar við tónlistarskóla vegna nemenda á neðri stigum tónlistarnáms, sbr. gr. 1.1. í reglum um þjónustusamninga Reykjavíkurborgar við tónlistarskóla.

- 3.6 Tónlistarskólanum er heimilt að ráðstafa fleiri nemendastundum en fram kemur í grein 3.4 í samningi þessum en aukin þjónusta skólans hefur ekki áhrif á fjárhæð framlags, sbr. gr. 2.1 samningsins.
- 3.7. Tónlistarskóli sem velur að kenna fleiri nemendastundir en þjónustusamningur kveður á um skal gera grein fyrir því í starfsáætlun og greinargerð og taka fram hvort og með hvaða hætti það hefur áhrif á það heildarkennslumagn sem hverjum nemanda í fullu námi býðst.
- 3.8 Nemendur skulu fá kennslu að lágmarki í samræmi við lög um fjárhagslegan stuðning við tónlistarskóla nr. 75/1985, aðalnámskrá tónlistarskóla, sbr. auglýsingu nr. 529/2000 og reglur um þjónustusamninga Reykjavíkurborgar við tónlistarskóla.
- 3.9 Sjái tónlistarskólinn sér ekki fært að uppfylla skilyrði um kennsluskyldu eða þjónustu miðað við forsendur þær er fram koma í samningi þessum skal skólinn tilkynna skóla- og frístundasviði Reykjavíkurborgar það svo fljótt sem verða má. Skóla- og frístundasvið Reykjavíkurborgar mun þá endurskoða fjárhæð framlags og lækka framlagið í samræmi við breyttar forsendur.

4. gr.

Umsókn og innritun í tónlistarskóla

- 4.1 Umsókn um nám í tónlistarskóla fer fram í miðlægu innritunarkerfi Reykjavíkurborgar. Tónlistarskólinn ber ábyrgð á að upplýsingar í innritunarkerfi Reykjavíkurborgar um nemendur sem eru í skólanum séu réttar og að þær séu í samræmi við nám þeirra í skólanum.
- 4.2 Tónlistarskólinn skal setja sér inntökureglur og birta á heimasíðu sinni. Tónlistarskólinn skal gæta jafnræðis við inntöku nemenda og skulu aðferðir skólans við mat á umsækjendum vera gagnsæjar og aðgengilegar almenningi á heimasíðu skólans. Kostnaður vegna námsins skal tilgreindur með skýrum og aðgengilegum hætti og vera umsækjendum um nám ljós áður en þeir senda inn umsókn sína.

5. gr.

Upplýsingagjöf og eftirlit skóla- og frístundasviðs

- 5.1 Tónlistarskólinn skilar starfsáætlun eigi síðar en 1. júlí ár hvert samkvæmt leiðbeiningum skóla- og frístundasviðs Reykjavíkurborgar til samræmis við gr. 12.1 í reglum um þjónustusamninga við tónlistarskóla.
- 5.2 Tónlistarskólinn afhendir að beiðni skóla- og frístundasviðs þegar eftir því er óskað yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu skóla- og frístundasviðs hverju sinni, sbr. Tónalaun eða á öðru sambærilegu formi.
- 5.3 Skóla- og frístundasviði Reykjavíkurborgar er heimilt að krefja tónlistarskóla um fjárhagsáætlun fyrir tiltekið tímabil samkvæmt leiðbeiningum Reykjavíkurborgar. Með fjárhagsáætlun skal fylgja yfirlit yfir kennara og stjórnendur skólans þar sem m.a. komi fram upplýsingar um laun og kennslu hvers og eins auk upplýsinga um áætlaðan nemendafjölda. Ef um samkenndu er að ræða þarf að tilgreina hversu margir nemendur eru í hóp. Upplýsingum skal skilað á því formi sem óskað er eftir af hálfu Reykjavíkurborgar hverju sinni.

- 5.4 Tónlistarskólinn sendir skóla- og frístundasviði Reykjavíkurborgar endurskoðaðan ársreikning um liðið fjárhagsár sem gerður er í samræmi við lög nr. 3/2006 um ársreikninga og góða reikningsskilavenju auk skýrslu stjórnar fyrir 1. febrúar ár hvert. Ársreikningur skal gerður á grundvelli skólaársins frá 1. ágúst til 31. júlí. [Heimilt er fram að skólaárinu 2019-2020 að hafa sama uppgjörstímabil og áður en tilkynna ber skóla- og frístundasviði um það val. Skil á ársreikningum skal vera eigi síðar en sex mánuðum eftir að fjárhagsári lýkur.]
Reikningar skulu áritaðir af framkvæmdastjóra (skólastjóra), stjórn félagsins (skólanefnd) og endurskoðendum. Í ársreikningi skulu tekjur af skólagjöldum vegna nemenda á neðri og efri stigum tónlistarnáms sundurgreindar í skýringum þegar við á. Jafnframt skal sundurgreina launakostnað vegna kennslu og stjórnunar sérstaklega vegna neðri og efri stiga tónlistarnáms þegar við á. Sama gildir um aukaframlag vegna langtíma forfalla tónlistarkennara vegna veikinda eða slysa.
- 5.5 Tónlistarskólinn skilar greinargerð til skóla- og frístundasviðs Reykjavíkurborgar um starfsemi síðasta skólaárs samkvæmt leiðbeiningum skóla- og frístundasviðs Reykjavíkurborgar fyrir 1. júlí ár hvert. Í greinargerð komi fram upplýsingar um starfsemi skólans, s.s. fjölda nemenda, fjölda nemenda á biðlista, fjölda kenndra nemendastunda, fjölda kennara og stöðugilda, innritunarreglur og innritunarviðmið, fjölda áfangaprófa, yfirlit yfir eigin tölvunotkun tónlistarkennara, yfirlit yfir tónleika, nýjungar í skólastarfi, upplýsingar um skólagjöld við skólann á mismunandi námsstigum auk afslátta ef um slíkt er að ræða og annað það sem skólar vilja taka fram eða Reykjavíkurborg óskar eftir.
- 5.6 Tónlistarskólanum er einnig skylt að veita skóla- og frístundasviði Reykjavíkurborgar allar aðrar upplýsingar um starfsemi og fjárhag skólans og allar þær upplýsingar sem nauðsynlegar kunna að vera vegna rannsókna eða úttekta sem skóla- og frístundasvið kann að framkvæma eða láta framkvæma og varða tónlistarfræðslu í Reykjavíkurborg.

6. gr.

Vanefndir og leiðréttingar

- 6.1 Komi til vanefnda á þjónustusamningi þessum er heimilt að grípa til hefðbundinna vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.
- 6.2 Komi í ljós að skóla- og frístundasvið Reykjavíkurborgar hafi ofgreitt framlag til tónlistarskóla af einhverjum ástæðum, t.d. vegna rangra upplýsinga eða mistaka, mun skóla- og frístundasvið lækka framlag til skólans við næstu greiðslu sem því nemur eða krefjast endurgreiðslu. Tónlistarskólinn getur óskað eftir því að endurgreiðslu verði dreift á þrjá mánuði.

7. gr.

Gildistími og áskilnaður um rekstrarhæfi

- 7.1. Samningur þessi gildir fyrir tímabilið 1. september 2017 til og með 31. júlí 2020.
- 7.2. Óski annar hvor aðilinn eftir því að segja samningnum upp fyrr er gagnkvæmur uppsagnarfrestur þrjú mánuðir og miðast við mánaðamót. Tilkynning um uppsögn skal vera skrifleg og afhent með sannanlegum hætti.

- 7.3 Reykjavíkurborg áskilur sér rétt til að ganga úr skugga um rekstrarhæfi tónlistarskóla áður en þjónustusamningur er gerður við skólann og hvenær sem er eftir að slíkur samningur hefur verið gerður ef málefnalegar ástæður eru fyrir hendi. Ef vafi leikur á um rekstrarhæfi tónlistarskóla er Reykjavíkurborg heimilt að hafna samningsgerð við skólann eða eftir atvikum að segja upp gildandi samningi. Til samræmis við lög um ársreikninga nr. 3/2006 skal koma fram í skýrslu stjórnar með ársreikningi ef vafi leikur á um rekstrarhæfi tónlistarskólans.

8. gr.

Þagmælska starfsfólks og meðferð stjórnarsýslumála

- 8.1 Starfsfólk tónlistarskóla skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.
- 8.2 Tónlistarskólinn skal fylgja ákvæðum stjórnarsýslulaga við töku ákvarðana er varða réttindi og skyldur nemenda í tónlistarskólanum.

9. gr.

Fyrirvari vegna breytinga á lögum

- 9.1. Verði gerð breyting á lögum nr. 75/1985 um fjárhagslegan stuðning við tónlistarskóla eða lögum sem koma í þeirra stað er gerður almennur fyrirvari við samning þennan, ef breytingarnar kalla á endurskoðun á einstökum ákvæðum samnings þessa.

10. gr.

Force Majeure.

- 10.1. Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

11. gr.

Fjárhagsleg ábyrgð og framsal

- 11.1. Reykjavíkurborg ber hvorki lagalega né fjárhagslega ábyrgð á rekstri tónlistarskólans.
- 11.2 Samningsaðila er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

12. gr.

Bráðabirgðaákvæði

- ~~12.1 Aðilar eru sammála um að greiðsla framlags vegna tímabilsins 1. september 2016 til 31. desember 2016 fari fram með þeim hætti að samningur þessi verði lagður til grundvallar.~~


12. gr.
Varnarþing

13.1 Komi til þess að mál verði höfðað vegna ágreinings um samning þennan skal það rekið fyrir Héraðsdómi Reykjavíkur.

13. gr.
Undirritun

14.1. Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrrsvarsmenn/fulltrúar aðila nöfn sín hér undir í votta viðurvist.

Reykjavík, 30.5.2017.




F.h. Reykjavíkurborgar
vegna skóla- og frístundasviðs Reykjavíkurborgar.



F.h. Tónlistarskóla Árbæjar

Vottar að dags. og undirskriftum:

 kt 170462-4599 kt 020470-5699

Viðauki

Reglur Reykjavíkurborgar um þjónustusamninga við tónlistarskóla